

---

## ЯПОНИЯНИНГ SANSHO КОМПАНИЯСИ ФАРҒОНАДА ЧИҚИНДИНИ ҚАЙТА ИШЛАШ КОРХОНАСИ ЛОЙИҲАСИНИ АМАЛГА ОШИРИШГА КИРИШДИ

Вилоят ҳокими Хайрулло Бозоров Япониянинг Sansho компанияси президенти Аказави Масакини қабул қилди.

Учрашувда Япония компанияси томонидан Фарғонада икки босқичда ташкил этиш режалаштирилаётган чиқиндини қайта ишлаш корхонаси лойиҳасини амалга ошириш жараёнлари муҳокама қилинди.

100 фоиз тўғридан тўғри Япония компанияси инвестицияси ҳисобига амалга ошириладиган, қиймати 10 миллион доллар бўлган мазкур лойиҳанинг 3 миллион долларлик биринчи босқичида Экошаҳар ва унинг атрофидаги ҳудудлардаги чиқиндиларни ажратиш ва қайта ишлаш бўйича Япония технологиясига асосланган экологик тоза корхона ташкил этиш кўзда тутилаётган бўлса, иккинчи босқичда чиқиндиларнинг қайта ишлаш мумкин бўлмаган қисмини ёқиш орқали электр энергия ишлаб чиқаришга асосланган корхона ташкил этиш режа қилинган.

Вилоятимизда куни кеча давлат рўйхатидан ўтган “Sansho Japan” МЧЖ хорижий корхонаси гувоҳномаси бугунги учрашувда Аказави Масакига топширилди.

Лойиҳа Фарғона тумани Саткак қишлоғи яқинида жойлашган марказий чиқиндихона ҳудудида амалга оширилади, Экошаҳар ҳудудидаги чиқиндилар билан бирга чиқиндихона ҳудудидаги чиқиндиларни ҳам қўшиб қайта ишлаш ташкил этилади. Истиқболда чиқиндихона ҳудуди тўла тозаланиб, кичик саноат зонаси ташкил этилиши режа қилинган.

Лойиҳанинг биринчи босқичи жорий йил сентябрь ойига қадар ишга туширилиши кўзда тутилган.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-02-04 13:07:09